

四庫全書

子部

欽定四庫全書

古今姓氏書辨證卷十六 宋 鄧名世 撰

十二庚

更

戰國策魏有更盈能虛弓落鴈鴈先被傷故得之後
世傳鳥聞虛弦而下蓋起於此

彭

出自顯帝高陽氏之後顯帝曾孫犂為高辛氏火正

有大功實能光融天下命曰祝融弟吳回嗣守其職
生陸終陸終有子六人其三曰篋為彭姓封於大彭
今彭城是也大彭氏謂之彭祖其後別封豕韋諸稽
舟人三國商之中世大彭豕韋皆伯諸侯而豕韋之
裔別為韋氏諸稽之後無聞舟人後自為禿姓唯大
彭常為彭姓裔末大彭氏失國子孫處申楚文王伐
申取彭仲夷以歸使為令尹相楚有功能滅申息以
為郡縣廣楚封畛至於汝水而陳蔡之君皆入朝故

仲爽家世為楚大夫後秦鎮軍將軍彭白狼揚威將軍彭虢後涼張掖太守彭晃南涼彭敏秦隴之冠

英

出自偃姓皐陶之後封國於英春秋時楚滅英子孫

以國氏漢九江王英布六人

案漢書黥布六人也姓英氏

平

出自韓侯少子婁食采平邑秦滅韓因徙下邑氏焉漢丞相平當生司徒晏九代孫自扶風徙燕郡薊門

前燕有護軍將軍領將作大匠平熙唐有詩人平曾

荆

史記燕荆軻謂之荆卿唐時荆氏望出絳郡今望出

廬陵

明

出自姬姓虞仲之後公族有井伯奚生孟明視孟明
字也古人先字後名故曰孟明視視為秦穆公將霸
西戎有功其孫以王父字為氏後居郿縣望出平原

南史明僧紹傳曰百里奚子孟明以名為姓誤矣僧
紹祖玩州從事父略給事中僧紹字休烈生元琳仲
章山賓山賓字山若梁國子祭酒弟少遐字處默都
官尚書生司空記室罕僧紹兄僧裔冀州刺史慧照
弟僧曷青州刺史明氏南渡雖晚並有名位自宋至
唐為刺史者六人唐有諫議大夫明崇儼

鳴

出自趙賢人竇犍字鳴犢非罪被殺子孫以字為氏

榮

魯莊公時有榮叔來錫命文公時有榮叔來歸舍皆
周大夫又魯宣公弟叔肸之子曰聲伯嬰齊生榮字
駕騫亦以榮為氏謂之榮成伯孔子弟子有榮旂字
子旗漢有魯人榮廣字王孫通穀梁春秋楚大夫亦
有榮黃字季勸子玉捨瓊弁者晉寧朔將軍榮胡以
彭城降慕容雋又段遼將榮保

卿

風俗通云虞卿之後或云項梁將卿子冠軍之後戰

國策有卿秦為魏將軍

案史記燕王喜使卿秦攻代趙使廉頗破之則秦乃燕將

此作魏將誤

唐貞元時邵州進士卿侃望出邵陽

黥

淮南王英布少時人相之當黥而王已而坐法黥以
刑徒謫輸驪山後王九江及淮南因謂之黥布

行

周禮大行人之後以官為氏後漢初隗囂遣將行巡

寇扶風注曰行姓巡名風俗通云漢有行祐為趙相
衡

風俗通云伊尹為阿衡因以為氏一云魯公子公衡
之後以王父字為氏漢莒人衡胡傳白氏易又臨淄
衡氏袁紹敗後支孫避難衡山改為衡氏唐邕管經
畧使董昌誣殺參軍衡方厚

彭祖

大彭支孫以號為氏

平林

元和姓纂曰史記平林老之後氏焉

案史記乃平陵老元和姓纂亦

作陵此引為平林氏誤

平寧

出姓苑

平陵

出姓苑

京城

鄭京城太叔之後亦為京城氏列子曰京城氏之孀妻即其家也

京相

晉京相璠注地里書桑欽酈道元皆引用之

榮錡

謹按左傳魯昭公二十一年周景王田北山崩于榮錡氏杜注曰河南鞏縣西有榮錡澗然則大夫食其地者氏焉今增入

榮叔

韓有大夫榮叔遇

行人

元和姓纂曰左傳陳行人儀之後衛有行人燭過皆以官為氏謹案春秋陳行人子徵師晉行人子員行人子朱衛鄭皆有行人子羽未嘗為氏今以儀燭過後為氏者林寶之誤也

十三耕

閼

史記周文王四友閼夭之後漢有廣陵相閼孺顏師古注尹翁歸傳曰閼姓也

訇

許橫切謹案蜀錄秦州流民訇氏據成都求救於成
成主李雄以兵救之又天水人訇琦殺成太尉李離

萌

出姓苑

案字典廣韻均不載此字疑即萌字之訛正
字通有五代蜀裨將萌慮者今附入耕韻

十四清

清

出自晉大夫食邑於清其地河東聞喜縣北清源是也晉厲公嬖大夫清沸魋始以邑為氏史記貨殖傳有巴蜀寡婦清秦皇帝以為貞婦而客之

贏

出自顓帝裔孫

案索隱女脩顓頊之裔女吞鳧子而生大業其父不著而秦趙以母族而

祖顓頊非生人之義左傳鄰國少昊之後而贏姓蓋其族也則秦趙宜祖少昊氏即史記本紀亦未嘗謂

出自顓頊此作出
自顓頊未詳所本

曰女脩吞玄鳥墮卵生大業大業

取少典之子曰女華女華生大費與禹平水土帝賜
之皐旂佐舜調馴鳥獸是為栢翳舜賜姓嬴氏大費
二子一曰大廉寔鳥俗氏二曰若木寔費氏其玄孫
曰費昌或在中國或在夷狄費昌當夏桀時去夏歸
商為湯御以敗桀於鳴條大廉玄孫曰孟戲仲衍鳥
身人言為帝太戊御世有功以佐商國故嬴姓多顯
玄孫中湣在西戎保西陲生蜚廉蜚廉生惡來父子

俱以材力事紂惡來生女防女防生旁皐旁皐生太
几太几生大洛大洛生非子周孝王使主馬汧渭之
間馬大蕃息於是孝王曰昔栢翳為舜主畜畜多息
故有土賜姓嬴氏今其後世亦為朕息馬朕其分土
為附庸邑之秦使復續嬴氏祀號曰秦嬴生秦侯秦
侯生公伯公伯生秦仲秦仲始大有車馬禮樂侍御
之好國人作車鄰之詩美之生莊公莊公生襄公襄
公備其兵甲以討西戎始取周地受顯服為諸侯有

田狩之事園囿之樂偕西時祭白帝大夫作駟驢小
戎終南之詩美之孫曰寧公生武公德公德公生宣
公成公穆公穆公名任好能用賢人大霸西戎子四
十人可見者太子瑩瑩弟弘女簡璧皆夫人晉姬所
生瑩立為康公康公生秦伯稻是為共公共公生桓
公桓公生景公及后子鍼字伯車景公生惠公哀公
哀公曾孫悼公悼公五世孫獻公獻公生孝公用商
鞅計強兵力農以雄諸侯孝公生惠王惠王生武王

昭襄王昭襄王生孝文王孝文王生莊襄王莊襄王
生始皇帝政改姓趙氏始皇立二十六年初并天下
在位五十一年少子胡亥立為二世皇帝趙高弑二
世立其兄太子扶蘇之子子嬰項羽誅之遂滅秦春
秋時又有黃徐梁葛邳穀廩七國皆嬴姓與秦同出
案史記秦之先為嬴姓其後分封以國為姓有徐氏
呂氏終黎氏運奄氏菟裘氏將梁氏黃氏江氏修魚
氏白冥氏蜚廉氏秦氏然秦其以人見於左傳者曰
秦公子慙徐子章禹及其夫人邳子邳夫人廩子梁

伯及其女梁嬴卜招父父子至漢有嬴公治公羊春秋為睦孟師世居東平不知為何國之後望出東平

鄧

音盈

出姓苑

營

風俗通曰周成王卿士營伯之後氏焉

嬰

風俗通曰晉大夫趙嬰齊之後氏焉

成

出自芊姓楚若敖之孫令尹得臣字子玉以王父字為氏得臣生太心字孫伯及子西子孔子孔名嘉與孫伯皆為令尹其後成虎字熊為大夫裔孫散仕他國者周為大夫成愆秦成差宋成謹晉成何成鱣是也漢成雄居上谷孫羨後周常山公唐中書令成汭五代有將軍成美謹按春秋時周魯皆有成邑當時大夫之食其邑者未必不以為氏芊姓成氏自子玉孫

伯而下皆以名顯諸侯後嗣又不多人則以王父字為氏在理不疑而周大夫宜亦楚人之裔也

郕音成

出自姬姓周文王子叔武封為郕伯後失其國子孫以國為氏戰國時郕午仕趙改為成氏

程

出自顓帝生稱稱生老童老童二子重黎重為南正司天唐表又曰重為火正司地其後世為掌天地之

官裔孫封於程是為程伯雒陽上程聚即其地西漢
地理志右扶風安陵縣闕駟以為即古之程邑是也
周宣王時程伯休父失其官守以諸侯入為王司馬
故以邑為程氏其族別為司馬氏程氏世居長安唐
利州刺史思奉生左贊善大夫子珪子珪生太子左
諭德獻可獻可生昇字師舉相憲宗昇生翼謹案左
氏傳晉荀氏支子食邑於程以邑為氏晉下卿程鄭
大夫程滑後漢漢中上計吏程邑漢中五官掾程信

漢中程文矩為安衆令魏安鄉侯程昱文中子弟子
程元陳鎮西將軍重安忠壯公靈洗詳具尚書郎審
陽程祁忠彥所撰世譜

并平聲

梁大同七年有并韶者交趾人富於詞藻詣選求官
吏部尚書蔡樽以并姓無前賢除廣陽門郎韶耻之
還鄉與李賁為亂

精縱

英賢傳曰周成王子精別封縱邑因以為氏

嬰齊

元和姓纂曰出芊姓楚令尹子重曰公子嬰齊後氏焉

成公

李利涉編古命氏曰出自姬姓周昭王子成公男之後漢藝文志有成公生與李斯子由同時而不仕晉成公綏字子安有傳石虎有左校令成公段以造庭

燎不善被誅南涼有大司農成公緒宋棣州成公氏
安仁令數生乾州判官恕恕生三傳出身湘湘生階
州司戶純臣

成陽

漢有安陽護軍成陽恢生謁者僕射昇

并官

并一作弁先賢傳云孔子娶并官氏生伯魚

案并一作弁音

堅或作筭或作上未有可證不能定從何字又據弁本作弁說文曰兩干對舉也然則弁官者其掌弁之

官而後以
為氏者歟

欽定四庫全書

古今姓氏書辨證卷十七 宋 鄧名世 撰

十五青

青

黃帝子青陽氏為青氏

經

千姓編曰望出平陽

邢

出自姬姓周公第四子靖淵封為邢侯其地廣平襄國縣是也春秋魯僖公二十五年衛文公滅邢子孫以國為氏齊大夫邢公晉大夫邢伯邢侯勇士邢蒯其後世為滁州全椒人漢司空邢綏之後有文偉相唐武后五代梁洺州刺史善益萬勝小將師遇晉衛尉卿德昭高麗廣評侍郎順欽州民旌門閭者釗

陘

形音

元和姓纂曰魯大夫有陘氏之後

丁

出自姜姓藝文志有丁子著兵書後漢末南郡太守
丁遵因官家焉故望出濟陽漢儒林傳濟陽丁寬之
後望出陳郡又丁固夢松生腹上為三公後漢末有
丁原晉秦州刺史丁聿又望出譙國扶風曹世叔子
婦丁氏作曹大家贊桓玄參軍丁赤又望出西河赤
四世孫興魏西河太守後燕莊獻太子妃丁氏兄子
七兵部尚書信南燕有右僕射通宋開封祥符丁氏

贈太師顓生逢吉贈太師中書令逢吉生度工部侍郎參知政事觀文殿學士贈右僕射諡文簡有傳

星

羊氏家傳曰南陽太守羊續娶北海星重女今望出濟北

靈

出自子姓宋文公子園龜字子靈其孫不緩為左師以王父字為氏左傳晉趙宣子得靈輒于翳桑別一族

漢功臣表有陽羨定侯靈常以擊黥布功侯生共侯
賀賀生哀侯勝元康四年詔復常玄孫南和大夫橫
家左傳越大夫靈姑浮以戈擊傷吳闔廬

泠

元和姓纂曰後漢方伎傳有泠壽光江都人宋有狂
民泠青開封人

冥

史記太史公曰禹本姒姓其後分封以國為姓有冥

氏漢冥都治公羊春秋泰山人師事堂谿惠故公羊
顏氏復有冥氏

甄

平音

風俗通漢太子太傅甄守後漢北海甄巽字子然孔
融以其賢配社祭之元和姓纂曰後趙有甄刪謹按
孔融傳或作甄子然未知孰是

青史

英賢傳云晉太史董狐之子受封于青史因氏焉漢

藝文志有青史氏其書五十七篇世以史書總謂之
青史其說蓋起于此

青陽

風俗通曰青陽黃帝子國語曰青陽為己姓黃帝娶
方雷氏女生青陽少昊氏也後世以為氏漢有東海
太守青陽曄又有東海中尉青陽精前蜀王氏樞密
使唐道襲其母青陽氏夢白衣神人逼而交之乃生
道襲又范禹偁有門生青陽誠對語終日飲井水一

杯唐貞觀所定鄭州滎陽四姓一曰青陽

青牛

謹按後漢方伎傳有封君達號青牛道士

青鳥

神僊傳有青鳥公

經孫

出姓苑

邢莫

官氏志代北邢莫氏後改為莫氏

形成

邵氏姓解曰史記有此姓

涇陽

秦太后弟封涇陽君因氏焉漢有駙馬都尉涇陽驍

丁若

風俗通云齊丁公子懿伯食采于若因氏焉晉有遂

興令丁若某字堅固

索元和姓纂作
丁若賢字弘固

泠淪

元和姓纂曰黃帝樂官泠淪氏之後氏焉

泠洲

元和姓纂曰伶州鳩之後誤矣州鳩周景王之伶人也左氏國語未嘗以泠洲為姓後世亦無此氏

十六蒸

承

世本衛大夫承叔之後後漢侍中承宮字少子琅邪

姑幕人子疊官至濟陰太守神僊傳承蟾白日昇天
陵

宋泰寧軍節度使李從善母陵氏封吳國太夫人

凌

齊有凌居又出會稽諸暨又唐節度使王翊誅河中

悍將凌正

應

平聲

出自姬姓周武王子應侯之後以國為氏漢有應曜

隱居淮陽山中與四皓俱召曜獨不至時人語曰商
山四皓不如淮陽一老玄孫順字華仲居汝南南頓
後漢建武初有應嫗者生四子而寡見神光照社試
探之乃得黃金自是諸子宦學並有才名至瑒七世
通顯嫗即華仲母也華仲為河南尹次子疊江夏太
守生柳武陽太守柳生奉字世叔讀書五行俱下為
司隸校尉著後漢書序感騷三十篇奉子劭字仲遠
一作仲援太山太守著漢官儀風俗通及春秋斷獄

三十卷幼弟珣字季瑜司空掾生瑒瑒字德璉魏
太子文學璩字休璉侍中從弟君苗君冑璩子貞晉
散騎常侍弟純純子詹過江晉賜觀烈侯子誕晉江
州刺史自順居汝南南頓故望出汝南唐靖州刺史

智育

乘

平聲

河南人乘弘晉吳興人乘越皆為郡望

勝

平聲

元和姓纂曰本勝屠氏後世避仇改為勝氏

仍

夏諸侯有仍氏後以國為氏左傳夏后相娶有仍氏女曰后緡生少康是也

徵

仁宗皇帝嫌名字與角徵之徵同出自理徵之後吳有率更令崇望出河南又王莽嘗遣大司馬嚴尤與廉丹擊匈奴皆賜姓徵氏號二徵將軍

繒

出自姒姓鄆子之後以國為氏亦作繒氏漢功臣表
有繒賀以戰彭城斬項羽功封祁穀侯子項侯胡嗣
胡生它宣帝時復其玄孫茂陵公大夫賜家

鄆

出自姒姓鄆子之後仕魯者以國為氏

陵陽

姓苑曰子明釣得白魚腹內有穀服之登僊

勝屠

漢有河東太守勝屠公

十七登

登

元和姓纂曰後漢有左馮翊登道將作大匠登豹蜀
有關中流人登定舊望出始平今望出南海

曾

出自姒姓夏少康封其少子曲烈于鄆魯襄公六年

呂滅鄆鄆太子巫仕魯去邑為曾氏居南武城巫生
天為季氏宰天生阜為叔孫氏家臣阜生點字皙點
一作蒧生參字子輿參生元申元生西西生欽欽生
尋尋生羨羨生遐遐生盈盈生樂漢山陰縣都鄉侯
樂生浼浼二子旃旃生嘉光生壽壽生弁弁生子
方家長沙是為長沙房嘉二子寶頊頊家扶風是為
扶風房生二子玉後家冀州昌後家青州寶生琰琰
生據避王莽亂渡江居廬陵縣吉陽鄉是為吉陽房

據二子闡瑒闡生植植生橫橫生興興生丞丞三子
珪舊畧珪吉陽鄉舊雲蓋鄉畧居撫州南豐是為撫
州房闡十世孫震忽又家韶州為韶州房瑒生永家
虔州為虔州房瑒十二世孫通始家交州是為交州
房此曾氏舊譜也譜之後又著九祖一祖晉永嘉二
年徙居會稽一祖詮之後家扶風一祖漢尚書令偉
自云參五世孫一祖漢福州刺史曜曾孫晉景侯渙
之後家蜀郡一祖漢御史大夫游二十四世孫撫州

長史盈之後家豫章一祖漢泗州別駕惠十四世孫
詠之後家吳郡一祖參六代孫潁川太守岌之後家
河內一祖襄州錄事參軍炅十六代孫黃門侍郎琦
之後家襄陽又蜀郡為第二房豫章第三房南陽第
四房吳郡第五房河內第六房又有居江夏者漢岐
州刺史綸之後綸子迴嘗為廷尉司隸云

備

姓書曰漢南山盜帥備宗音多亦音朋此以形似取

之之誤也謹按王尊傳尊為高陵令時南山盜帥儼
宗等數百人為吏民害尊捕殺之蘓林曰儼音朋晉
灼曰音倍師古曰晉音是然則諸書音多無據合從

師古為正

索儼一作儼集韻廣韻唐
韻均音朋今仍收入登韻

弘

元和姓纂曰唐避諱改為洪氏風俗通曰衛大夫延
之後漢五鹿充宗受學于弘成子成子少吞五色石
大如燕卵遂大明悟為天下通儒宋朝避諱改為洪

今居丹陽豫章者是也

滕

出自姬姓黃帝子得姓者十四其一曰滕或云周文
王子封為滕侯所謂滕叔繡叔繡之後以國為氏孟
子弟子滕更是也

滕叔

元和姓纂曰滕叔繡之後為氏楚考烈王時有大夫
滕叔繡

欽定四庫全書

古今姓氏書辨證卷十八 宋 鄧名世 撰

十八尤

郵

出自王良字無卹為晉趙簡子御食邑於郵子孫以
邑為氏

鄧

鄧大夫食采南鄧鄧邑楚并其地子孫氏焉

劉

豕韋徙封於唐居堯之故墟又為唐氏周成王滅唐封其後於杜陵又為杜氏杜伯事周宣王無罪見殺其子隰叔奔晉生士為為士師有功因官命氏又為士氏為生成伯缺缺生武子會魯文公六年晉人使士會逆公子雍不得入士會遂留事秦晉靈公八年晉召士會於秦秦人歸之其子孫處秦者為劉氏生明明生遠遠生陽十世孫戰國時獲於魏遂為魏大

夫秦滅魏居大梁生清徙居沛清生仁號豐公生太公端字執嘉即太上皇也端四子伯仲邦交邦字季漢高祖皇帝劉向頌高祖云漢帝本系出自唐帝降及於周在秦作劉涉魏而東遂為豐公是也高皇帝八男呂后生孝惠帝曹夫人生齊悼惠王肥薄姬生孝文帝戚夫人生趙隱王如意趙姬生淮南厲王長諸姬生趙幽王友趙共王恢燕靈王建淮南及其子衡山濟北王自有傳高祖弟楚元王交字游生太子

辟非夷王郢客平陸侯禮休侯富沈猶侯歲宛胥侯
執棘樂侯調夷王生戌有罪立平陸侯禮為楚文王
生安王道道生襄王注注生節王純純生延壽國除
休侯富子四人辟疆字少卿為宗正生宗正陽城侯
德德字路生向字子政本名更生為漢名儒光祿大
夫中壘校尉著新序說苑列女傳少子歆字子駿為
王莽國師有傳高祖兄伯子信為羹頡侯子喜為代
王仲子濞為吳王從父兄賈為荆王從祖兄澤為燕

王有荆燕吳傳孝文皇帝四男竇皇后生孝景帝梁
孝王武諸姬生代孝王參梁懷王揖有文三王傳孝
景帝十四男王皇后生孝武皇帝栗姬生臨江閔王
榮河間獻王德臨江哀王闕程姬生魯恭王餘江都
易王非膠西于王端賈夫人生趙敬肅王彭祖中山
靖王勝唐姬生長沙定王發王夫人生廣川惠王越
膠東康王寄清河哀王乘常山憲王舜有景十三王
傳孝武皇帝六男衛皇后生戾太子據趙婕妤生孝

昭皇帝王夫人生齊懷王閼李姬生燕刺王旦太子
生史皇孫史皇孫生宣帝有武五子傳孝宣帝五男
許皇后生孝元皇帝張婕妤生淮陽憲王欽衛婕妤
生楚孝王囂公孫婕妤生東平思王宇戎婕妤生中
山哀王竟孝元皇帝三男王皇后生孝成帝傳昭儀
生定陶王康馮昭儀生中山孝王興皆有傳定陶恭
王生欣成帝無子以欣為皇太子即位是為孝哀帝
追尊恭王為恭皇置寢廟京師中山孝山興生衍哀

帝無子召中山王衍入即位是為孝平皇帝改立東
平思王孫成都為中山王奉孝王祀後漢世祖光武
皇帝諱秀字文叔南陽蔡陽人高祖九世孫出自景
帝子長沙定王發生舂陵節侯買買生鬱林太守外
生鉅鹿都尉回回生南頓令欽蕭令良良趙孝王
也南頓君娶同郡樊重女字嫺都生三男長齊武王
續字伯升次魯哀王仲次光武光武皇帝十一子郭
皇后生東海恭王強沛獻王輔濟南安王康阜陵質

王延中山簡王馬許美人生楚王英光烈皇后生顯
宗東平憲王蒼廣陵思王荆臨淮懷王衡琅邪孝王
京孝明皇帝九子賈貴人生肅宗孝章皇帝陰貴人
生梁節王暢後宮生千乘哀王建陳敬王羨彭城靖
王恭樂城靖王黨下邳惠王衍淮陽頃王昞濟陰悼
王長孝章皇帝八子宋貴人生清河孝王慶梁貴人
生和帝申貴人生濟北惠王壽河間孝王開後宮生
千乘貞王伉平春悼王全城陽懷王淑廣宗殤王萬

歲和帝二子平原懷王勝孝殤帝殤帝無子立清河
孝王慶長子祐是為孝安帝安帝後宮李氏生孝順
帝順帝後宮虞姬生孝沖帝沖帝無子立河間王孫
解瀆亭侯苴之子弘是為孝靈帝靈帝何后生太子
辯王美人生孝獻帝謹按東周時王之卿士食采於
劉者以邑為氏出自姬姓王季子劉康公生定公劉
夏夏生獻公劉摯摯生文公劉卷一名狄字伯蚩卷
生劉桓公及劉毅劉佗劉州鳩其族仕晉者曰劉難

與定公同時此別一家也彭城劉氏漢宣帝生楚孝
王囂囂生思王衍衍生紆紆生居巢侯般字伯興般
生愷字伯豫後漢太尉司空愷生茂字叔盛司空太
中大夫徙居叢亭里六世孫訥晉司隸校尉孫憲生
羨羨二子敏該敏生慶後魏東徐州刺史生軫北齊
高平太守生通字子將隋毗陵郡通守通生德威德
敏德智德威字尚重唐刑部尚書生審禮工部尚書
彭城公生佺壽侍庶易從易從通州長史生中書舍

人昇給事中晟德智滁州刺史生汾州刺史延嗣敏
從子僧利後魏羽林監生世明世明生偉字世英北
齊睢州刺史二子瑗珉珉北齊睢陽太守生務本務
本生藏器唐比部員外郎藏器生知柔知章子玄子
玄字知幾中書舍人居巢文公六子其顯者曰睨彙
餽睨起居郎生浹滋浹生敦質敦儒滋相德宗生約
緒餽河南兵曹參軍生贄彙尚書右丞生贄字公佐
宣歙觀察使彙弟秩國子祭酒房瑄愛之所謂曳洛

河雖多豈能當我劉秩者秩弟迅左補闕迴給事中又有劉升生景字司光鄜州從事景生瞻字幾之相懿宗彭城興綏里劉氏漢高祖弟楚元王交之後交十五代孫混始過江居晉陵丹徒縣京口里官至武原令混生靖東安太守靖生郡功曹翹翹生裕字得興小字寄奴宋高祖武皇帝高祖生少帝義符太祖文皇帝義隆太祖生孝武帝駿平元凶劭之亂即位生前廢帝子業及遇害立文帝第十八子彧為明帝明

帝生後廢帝昱順帝準凡八主六十年南史傳曰宋武帝遺詔京口要地去都密邇自非宗室近戚不得居之劉氏之居彭城者分為三里帝室居綏興里左將軍劉懷肅居上里豫州刺史劉懷武居叢亭里三里及劉道產所居呂縣凡四劉雖同出楚元王由來不序昭穆孝武帝大明元年深忌竟陵王誕不欲使居京口遷之廣陵始以道產子延孫為南徐州據京口以防誕與之合族使諸王序親五年始名誕孫還復

以京口授帝子京兆武功劉氏本出彭城後周石州
刺史懿生韶上儀同二子文靜文起文靜唐佐命功
臣相高祖位納言魯國公生樹義駙馬都尉魯公文
起散騎常侍弘農劉氏高祖兄代王嘉之後梁郡劉
氏漢明帝子梁節侯暢之後居梁尉氏劉氏漢章帝
子河間孝王開世居樂城十世孫通徙居尉氏通後
魏建武將軍南陽太守樂城侯孫能北齊冠軍將軍
能生熾唐淮陽王參軍熾生子威子威生仁軌仁相

仁軌字正則相高宗生滔濬濬工部員外郎生晃太
常卿襲樂城公晃生子藩子藩生燭雅州刺史燭生
瑒字子全相宣宗臨淮劉氏出自漢光武子廣陵思
王荆子俞鄉元侯平平生彪襲封事繼母以孝聞世
號仁義侯生玄玄生熙尚書郎熙生述東平太守述
生建晉永城令世居臨淮建生會歷琅邪內史從元
帝渡江居丹陽曾孫彥英宋給事中通直散騎常侍
二子隱人逸人迨梁末又徙晉陵隱人五世孫子翼

字小心唐著作佐郎弘文館學士生懿之給事中禕
之相武后 南陽劉氏出自長沙定王生安衆康侯
丹襲封三世徙沮陽裔孫廙字恭嗣魏侍中關內侯
無子以弟子阜嗣阜字伯陵陳留太守生喬字仲彥
晉太傅軍諮祭酒生挺穎川太守二子簡耽耽字敬
道為尚書令生柳字叔惠徐兗江三州刺史又徙江
陵曾孫虬字靈預宋當陽令文藝先生生之遴字思
正梁都官尚書曾孫洎字思道相唐太宗生都官郎

中廣宗 廣平劉氏出自漢景帝子趙敬肅王彭祖
生陰城思侯蒼蒼薨嗣子有罪不得立遂居廣平肥
鄉蒼十一世孫邵字孔才魏散騎常侍十一世孫藻
生矜兗州刺史矜孫林甫中書侍郎樂平男林甫生
祥道慶道應道祥道相高宗生齊賢更名景先亦相
高宗應道吏部侍郎生令植元勉令植禮部尚書生
京兆少尹孺之孺之生從一相德宗元勉括州刺史
生朐山丞如璠如璠生迺字永夷兵部侍郎正惠公

廼生伯芻字素芝刑部侍郎伯芻生寬夫字盛之澤
潞掌書記寬夫生允章字韞中煥章字文中元章字
求中丹陽劉氏世居句容刑部侍郎三復生鄴字
漢藩相懿宗僖宗曹州南華劉氏一曰濟陰劉氏
出自漢楚元王交之後自彭城避地徙南華築堦以
居世號劉堦隋有東萊令晉字進之三子郁多讓多
退郁字蔚卿唐弘文館學士生懷器恭

按唐世系表恭作恭

字伯寅新井令生知晦字仲昌武功丞如晦生昱暹

晏昱字士明大理司直生傳經專經善經深經暹字
士昭杭州刺史生談經通經全經瞻經遵經志經談
經字辨之大理評事生大理卿濛字潤之志經字仲
修雅州刺史生潼字子固河東節度使晏字士安相
肅宗代宗為名臣所謂據馬點鞭如見錢流地上者
晏生執經宗經信都劉氏唐冀州武強人幽求相
睿宗為尚書右僕射同中書門下三品相明皇守尚
書左僕射知軍國事徐國文獻公贈司徒平原劉

氏景帝子膠東王寄傳國五代後漢有河南尹暹居平原至唐而絕平原高唐劉氏淮南厲王長子濟北王勃生崇始居高唐東平劉氏景帝子魯恭王餘之裔封東平侯因居之廣陵劉氏武帝子廣陵厲王胥之後范陽劉氏廣陵王胥子西鄉侯宏後徙范陽濮陽劉氏唐潤州刺史頴秀之後宋州虞城劉氏唐有左驍騎衛將軍襄武肅公師旦并州劉氏唐有少府監葛國公義節本名世龍生鳳昌有

從子箕州刺史思禮 雍州池陽劉氏唐衛尉卿魯

襄公弘基生仁實又有蘭陵劉氏杼秋劉氏宣城劉

氏陳留劉氏並史失其傳 河南劉氏出自匈奴漢

高祖以宗女妻冒頓其俗貴者皆從母姓因改為劉

氏中平中單于羌渠使子扶羅將兵助漢討平黃巾

扶羅死子豹為左賢王生前趙主元海名淵元海生

和及聰族子曜皆繼立四主二十六年而匈奴左賢

王去卑裔孫庫仁字沒根後魏南部大人凌江將軍

弟眷生羅辰定州刺史永安敬公其後又居遼東襄
平元魏平定遼東徙家于代隨孝文遷洛遂為河南
洛陽人羅辰五世孫環雋字仲賢北齊中書侍郎秀
容懿公弟仕雋生坦字寬夫隋大理卿昌國縣伯坦生
政會唐民部尚書邢襄公生立意字深之汝州刺史
駙馬都尉玄意生天官侍郎奇奇生獲嘉令慎知慎
知生東阿令駸駸生藻字茂實祕書郎藻生符字端
期蔡州刺史八子皆登進士第崇龜字子長清海軍

節度使崇彝字子憲都官郎中崇望字希徒相昭宗
尚書左僕射同平章事贈司空崇魯字郊文水部員
外郎知制誥哭李磎白麻失明者崇暮字成禹太常少
卿弘文館直學士初崔安潛帥許及劔南崇望昆弟
四人同幕府世以為才崇望生珪瓌玕 涿州歸義劉
氏幽府左司馬乘生幽州巡官因因生耀遠晉司空
平章事修舊唐史行於世後漢荊州刺史劉度為蠻
所破隴西太守劉盱中平二年破滇羌涼州刺史劉

乘備羌建武中武威將軍劉尚擊南蠻中郎將劉羌
亦擊蠻南史劉盱與族兄歆並履高操隱居不仕族
祖孝標嘗曰盱超超絕俗如天半朱霞歆矯矯出塵
如雲中白鶴皆儉歲之膏梁寒年之織纊又劉穆之
字道和宋武帝左僕射內總朝政外供軍旅決斷如
流事無壅滯賓客輻輳求訴百端內外諮稟盈階滿
室目覽詞訟手荅牋書耳行聽受口並酬應不相參
涉皆悉瞻舉隋劉炫字光伯強記默識莫與為儔左

畫方右畫圓口誦目數耳聽五事同舉無所遺失然
躁又儀同三司劉臻精兩漢書時人稱為漢聖又平
鄉令劉曠百姓感其德化在職七年獄無繫囚囹圄
生草庭可張羅賜姓劉氏漢高祖五年誅項羽封項
伯四人為列侯賜姓劉氏功臣表有射陽侯劉繆即
項伯也又是年六月封婁敬為奉春君帝曰婁者劉
也賜姓劉氏後周賜武鄉公劉志姓宇文長廣公劉
亮姓侯莫陳隋初復舊志孫旻亮孫順

留

出自周封內大夫食采於王畿之留以邑為氏周莊
王時有留子國留子嗟皆賢人莊王不明留氏放逐
國人作詩刺之今丘中有麻是也謹按子華子後序
云子華子程叔本聚徒著書自號程子門人甚多其
著書者曰留務滋子又曰鬼谷子姓留即務滋也

按鬼

谷子神仙傳作姓王名訓唐陸龜蒙詩謂名訓不詳
所從出高氏子畧謂無鄉里俗姓名隋志亦不著其
名此作留務
滋未詳所本漢功臣表有留盼以客吏從高祖入漢

又以都尉擊項羽功封彊圉侯傳國三世又河間元
王有少史留貴史記日者傳有留長孺以相彘立名
皆子嗟之後魏晉而下常有姓名見於史者元和姓
纂姓源韻譜廣韻皆曰衛大夫留封人之後誤矣莊
王者平王之孫也周自平王東遷四十九年而春秋
作當是時留子為周大夫而留為周之采邑未嘗與
衛則子國之先氏於邑與春秋隨會原穀同意以地
里考之周衰而留入于宋故祭仲往留而宋人執臣

瓚注漢志陳留郡曰宋亦有留彭城留是也留屬陳
故稱陳留師古曰瓚說是然則古有二留皆未嘗屬
衛衛之大夫何自為留封人也必曰宋陳有留衛與
之鄰境而有封人則事在莊王之後亦不得為留氏
之祖今宜以詩為正

穆

亦作抖音穆亦音留戰國策有穆留史記南越王趙
嬰齊在長安時娶邯鄲穆氏女及即位上請立穆女

為后后弟繆樂以校尉擊南越死事天子封其子廣

德為龍亢侯

案漢功臣表作龍侯繆廣德無亢字

六百七十戶元鼎五

年二月

案漢書二月作三月

壬午封六年坐酎金免魏有河內

太守繆尚元和姓纂曰秦有嫪毐謬誤矣繆從木嫪

從女音勞

案漢書及通志嫪从手不从木

秋

古有魯人秋胡娶妻三月而游宦三年胡還家其婦采桑於郊胡至郊而不識其妻也見而悅之遺黃金

一鎰妻曰妾有夫游宦不返幽閉獨處三年于茲未有被辱于今日也採不顧胡慙而退至家問家人妻何在曰行采桑于郊未返既還乃向所挑之婦也夫妻竝慙妻赴沂水而死漢時杜陵人秋胡能通尚書善為古隸字為翟公所禮欲以兄女妻之或曰秋胡已娶而失禮妻遂溺死不可妻翟公舉古事明之曰今日之秋胡非昔日之秋胡昔魯有兩曾參趙有兩毛遂南曾參殺人見捕人以告北曾參母野人毛遂

墜井而死人以告平原君君曰嗟乎喪予矣既而知野
人毛遂非平原君客也豈得以昔之秋胡失禮而絕
昏於今之秋胡哉秋胡之後宋有中書舍人秋當今
望出天水

猷

風俗通云衛有猷康今望出隴西

游

出自姬姓鄭七穆氏其先鄭穆公子姬字子游子游

生公孫董字子蟠董二子以王父字為氏昉字子明
生良良以父有罪廢鄭人立昉弟吉字太叔為正卿
所謂子太叔者也吉生速又吉兄子游楚字子南生
印其族仕周者曰游孫伯秦漢而下著望河北廣平
郡與宋焦談為廣平四姓至後魏游雅字伯度祕書
監梁郡宣侯為廣平人其族祖曰鰾仕慕容熙為樂
浪太守生幼仕慕容跋為廣平太守幼生明根字志
遠仕魏孝文為儀曹尚書散騎常侍鴻臚卿新泰侯

年七十五為國五更諡靖歷官內外五十餘年時論
貴之與高閭以儒學齊名時號高游子肇字伯始襲
爵官至廷尉卿博綜經史外寬柔而內剛直甚有聲
稱子祥字宗良高邑文侯其後有徙居揚州廣陵隋
時間與戴商盛又為廣陵四姓

遊

游氏亦作遊魏河南尹遊述始居廣平今游氏望出
廣平游氏望出馮翊

牛

出自子姓魏大將軍牛金之後六世孫幼聞生僧孺

案唐世系表僧孺安定牛氏出自漢主簿崇之後遼
允生弘弘生方智方智五世孫幼聞生僧孺其間並
無牛金名氏至晉有小吏牛金此作魏大將軍未詳
所本唐時詆僧孺者多云牛金之後名世或據此增
入當依唐
史為正字思黯歷相唐敬宗位司空平章事奇章

公生蔚蔚生徽皆有傳前秦西州豪族牛雙推姚

萇為盟主萇稱大將軍秦王以雙為參軍

案牛雙通志作牛犢

晉書作牛雙與此同

後秦隴西牛壽率漢中流人歸晉鵠觚牛

氏通生會會生意意生仙客仙客生明皇

脩

英賢傳曰出自少昊氏子脩為帝嚳玄冥師掌水官
其後氏焉晉梁頌迎脩湛領新昌太守事王敦遣王
諒誅之

犍

謹按呂氏春秋陳有惡人焉曰敦洽犍麋其人椎顙
廣額色如漆陳侯悅之敦洽地名也然則未必晉郤

氏之後

周

出自姬姓黃帝裔孫后稷封於邰其地扶風郿鄉是也后稷子不窋失其官竄於西戎曾孫慶節立國於豳其地新平漆縣東北豳亭是也七世孫古公亶父為狄所滅徙居岐下之周原故國號曰周其地扶風美陽南是也武王克商十一世平王遷都王城河南縣是也平王少子烈食采汝墳烈生懋懋生文文生

昇昇生興興生晏晏生安安生宏宏生明明生隱隱
生壽壽生容容生休休生雄雄生暉暉生寬寬生員
員生成成生邕秦滅周并其地為汝南郡遂姓周氏
家於汝南一云秦黜周赧王為庶人百姓稱為周家
因氏焉邕生秀秀生仁字季房漢興續周之嗣復封
為汝墳侯賜號正公以汝墳下濕徙于安城十子長
曰球執金吾生平陵令應應生郎中孝廉道道生五
官中郎約約生決曹掾燕燕裔孫表梁義衡二州刺

史襲蓬陵侯生才卿隋德延二州刺史永城恭侯

按唐

世系表恭侯作敬侯

子懷義太子右宗衛率懷義生基字崇業

常州刺史

按唐世系表作常州長史

基生允元相武后元和姓纂

曰汝南安城縣周安平王次子秀別封汝川因家焉

漢汝南侯周仁徙汝南六代孫燕魏周斐孫峻晉揚

州刺史生顓嵩顓左僕射安城侯六代孫顓生捨捨

生弘正弘讓弘直弘正陳左僕射生墳生若水弘直

陳太常卿有傳生確陳都官尚書孫翼唐江王友孫

訥言岷州刺史沛國報王之後漢汾陰侯周昌從父
兄苛御史大夫子武高景侯又蒯成侯周縹與昌竝
沛人陳留汝南同祖晉周震尋陽晉梁刺史周訪生
建城公撫生楚益州刺史生虓五代孫羅暉右武大
將軍生仲隱唐平州刺史臨川狀云本汝南人徙臨
川宋臨海太守周毅去孫寶玉唐中州刺史生子褒
永州刺史陳西豐侯周敷孫弘毅唐集州刺史江陵
公生處靜沖廬江狀稱仁之後陳周士衡桂陽王諮

議孫績唐司刑丞生利涉比部郎中利貞御史大夫
太山周燕子忠為太山太守因家焉淮南周仁之後
已上周氏八郡竝舊望永安狀稱仁之後代居黃州
梁保城侯周虛超生法僧法尚法明法僧生孝節唐
嘉州刺史生鳳鴻鳳玄孫應生克構克構房州刺史
克生儉鴻生潘給事中法尚隋永州刺史生紹範嗣
孫沛右拾遺紹範左屯大將軍譙公生道務駙馬左
衛將軍生伯瑜勵言瑜楚州刺史釋從宣州刺史生

厲勵言少府監先言左金吾將軍法明黃州總管河
間文安縣狀云仁之後後周右僕射文安公惠達孫
含恩晉州刺史臨汝周仁之後唐屯田員外基生允
元鳳閣侍郎平章事華陰狀稱十代祖謨自丹陽隨
朱齡石入關遂居華陰隋樂州刺史樂陵公周儒生
護仁皇右武衛大將軍洛州長史嘉川公生志珪玄珪
志珪亳州刺史玄珪少府監生履順冀州刺史河東
汾陰狀稱周仁之後貞觀有周昶生玄式玄達玄式

生子敬行沖子敬主客員外行沖登州刺史生彭年
喬年彭年蜀州刺史喬年大理司直孫戴大理評事
玄達國子博士清河唐鳳閣舍人周茂禎輝州參軍
江陵金部郎中周行暮隴西人生如娣安西都護生
泌隴右節度生皓太僕卿膳部郎中周謂淮陰人弟
澈鄧州刺史監察御史周子諒京兆人生頌大理司直
生君巢循州刺史虞部郎中周文雄比陽人禮部郎
中周琮河間人長安本姬氏赧王之後先天中避玄

宗嫌名改姓周氏後周太子太僕願弟威生權生思
忠思恭思忠職方員外生處遜水部員外萬年令思
恭丹州刺史願姪道斌長安令比部郎中河南後魏
官氏志獻帝次兄普氏改為周氏西魏幽州總管濟
北周搖賜姓車非氏隋復本姓搖孫處智唐右千牛
將軍生思亮思敬昭州唐樂州刺史周孝練代為樂
州首領生萬才永州刺史萬才生柳州刺史君模已
上九郡為新望

州

出自姜姓諸侯封於州其地城陽淳于縣是也春秋
魯桓公六年其君州公如曹不復州國遂亡子孫以
國為氏晉大夫州綽州賓元和姓纂曰衛有公子州
吁誤矣州吁人名非以州為氏

舟

出自禿姓舟人國之後以國為舟氏春秋時有號大
夫舟之僑

丘

唐丘和始自河南洛陽徙眉和特進稷州刺史譚襄
公子十五人

鄒

宋正考父後食采鄒邑支孫遂以為氏其地本邾子
之國後為魯所并以封其大夫魯國鄒縣是也漢有
鄒陽齊人善辭賦事梁孝王有名晉南陽鄒湛有傳
西京雜記菑川國人鄒長倩驥遣公孫弘為賢良

聊音鄒

孔子父紇字叔梁食邑於聊為魯大夫謂之聊叔紇以力聞於諸侯禮記孔子問聊曼父之母然後得徵在之殯

騶音鄒

國語齊大夫有騶馬繻謹按史記閩越王無諸及越東海王搖其先皆越王勾踐之後姓騶氏又東越王餘善反號其將騶力等為荅漢將軍然則兩越君臣

皆騶姓未必非馬繻族裔徐廣注以為騶一作駱誤矣

稠

漢武功臣表有常樂侯稠雕以匈奴大當戶降封五百七十戶傳其子廣漢姓書未有此氏今增入

裘

元和姓纂曰裘氏因以邑為姓或云仇氏避難改焉謹按古者卿大夫多因所食邑為氏而衛以裘氏之

邑賜柳莊則前說有據晉有秦州刺史裴苞

仇

後漢侍御史仇尼後秦汧川氏仇高執竇衡以畀姚
興又貳原氏帥仇常


求

姓苑云本仇氏避難改焉漢有求仲元和姓纂曰本
裴氏改焉二說未知孰是今皆存之漢何武弟顯家
有市籍租常不入市嗇夫求商捕辱顯家顯欲以吏

事中商武不聽白太守召為卒史州里皆服

牟

出自祝融之後有牟子國後以為氏其地太山牟縣
是也漢太尉牟融字子優北海安丘人長子麟為郎
後漢河內太守牟長字君高並居樂安臨濟晉中郎
將劉寅有部將牟穆石虎有幸臣牟咸望出滎陽



欽定四庫全書

子部

古今姓氏書辨證卷二十九至
二十一

詳校官中書臣沈鳳輝

侍讀臣孫球覆勘

謄錄監生臣南光臧

欽定四庫全書

古今姓氏書辨證卷十九

宋

鄧名世

撰

十八尤

下

由吾

唐藝文志有由吾公裕葬經三卷

由余

由余之後以字為氏

游梓

英賢傳曰游梓子著書一篇言法家事按此豈非藝文志游棣子誤棣為梓乎

游水

姓書未收今增入謹按前漢郊祀志武帝時文成旣死明年天子病鼎湖甚巫醫無所不致游水發根言上郡有巫病而鬼下之服虔曰游水縣名發根人姓名師古曰服說非也游水姓也發根名也蓋因水為姓也本嘗遇病而鬼下之

游棣

漢藝文志法家有游棣子一篇師古曰棣音徒計反按
師古不言姓游棣恐姓游名棣也如韓非鄧析子然
修魚

史記秦本紀贊曰秦之先嬴其姓後分封以國為姓
故有修魚氏

雎子

世本陳桓公生昭子來將孫卑為雎子氏

周生

姓苑後漢周生豐字偉防太山南武陽人建武七年
為豫章太守清約儉惠馮衍傳所謂司空長史令狐
約讚衍於豐者是也魏初有博士周生烈燉煌人為
論語義說即豐之後劉炳燉煌實錄云魏侍中周生
烈本姓唐外養周氏今亦存其說

周陽

出自趙氏漢淮南王舅趙魚封周陽侯子由為河東

尉因父封氏焉由見酷吏傳郭頌世語云魏文帝時

有周陽咸周陽占異

案世語有周陽成能占災異此脫悞

丘敦

官氏志後改為丘氏初後魏獻帝七分國人以弟豆真為丘敦氏封臨淮王

丘林

官氏志後改為林氏

鄒屠

謹按王子年拾遺記曰帝嚳妃鄒屠氏之女也軒轅去蚩尤之凶遷其民善者於鄒屠之地惡者於有北之鄉其先以地命族後分為鄒氏屠氏

仇由

或作仇繇韓子曰仇由小國為智伯所滅後人以國為氏

牟孫

出姓苑

十九侯

侯

出自姒姓夏后氏之裔封侯子孫因以為氏一云本
姬姓晉侯緡為曲沃武公所滅子孫逃難他國以侯
為氏春秋時鄭有侯宣多生晉及侯羽侯孺魯卬馬
正侯犯戎御大夫侯叔夏齊有大夫侯朝曹伯之豎
有侯孺戰國時魏有處士侯羸漢末侯氏徙上谷裔
孫恕為北地太守因家焉為北地三水人四世孫植

從魏孝武西遷賜姓侯伏氏又賜姓賀吐氏其後復
舊姓植字仁幹周驃騎大將軍肥成節公其孫君集
相唐太宗丹徒侯氏漢司徒霸之後自上谷徙焉又
後漢金城太守侯霸擊羌有功領護羌校尉河南侯
氏後魏官氏志侯奴氏渴侯氏古引氏皆改焉又侯
景以安北將軍夏侯夔之子譜為長史譜遂去夏稱
侯氏託為景族子

歐

元和姓纂曰東歐王之後亦作區

今姓纂脫此文

謳

左傳越大夫謳陽之後

區

歐音

謹按漢王莽傳有中郎區博諫莽未可分授諸侯茅
土致諸侯困乏有傭作者莽從之師古曰區姓也一
侯反吳有蒼梧太守區景宋有宜州刺史區贇潭州
長沙區程為宜春簿生法一

案急就篇區氏古善劍
歐治子之後單姓區氏

廣韻云今
柳州有之

樓

出自姒姓周武王封夏禹裔孫東樓公於杞生西樓

公題

案史記杞世家東樓公生西樓公西樓公生題公題公生謀娶公此脫

公孫仕他

國者以樓為氏漢五侯客樓護齊郡人吳樓玄譙郡人晉東海王越有將軍樓裒河南樓氏賀樓氏改焉

婁

出自姒姓夏少康裔孫封於杞曰東樓公後為楚所

減食邑於婁因為氏其地城陽諸縣婁鄉是也或云邾婁國之後為姓

緱

音鉤

姓解曰王子晉別傳有緱氏山陳留有緱氏山緱姓也

句

音鉤

出自少昊氏叔子曰重為句芒木正世不失職以官為句氏一云邾文公遷于句繹後氏焉孔子弟子有

衛人勾井疆

案句氏宋避高宗嫌名諱改為勾

鉤

姓苑鉤弋之後或為鉤氏

案蜀有句氏宋避高宗嫌名諱改為鉤

鰕

下平鰕氏或有作上聲者徂鉤切韻譜音士九切誤矣風俗通有人姓鰕名生說文云小人之後以為卑小人之稱謹按張良傳沛公曰鰕生說我云云謂酈食其也服虔曰鰕生小人瓚曰楚漢春秋鰕姓師古

是服說今從之

裒

河南裒氏後魏官氏志代北達勃氏改焉

侯岡

地記曰蒼頡姓侯岡氏其後居馮翊衙縣今望出馮

翊

歐陽

出自姒姓夏帝少康庶子封于會稽至越王無疆為

楚所滅更封無疆子蹄于烏程歐餘山之陽為歐陽
亭侯遂以為氏後有仕漢為涿郡太守者子孫或居
冀州之渤海或居青州之千乘千乘之顯者曰生字
伯和仕漢為博士以經名所謂歐陽尚書者是也渤
海之顯者曰建字堅石仕晉為頓丘太守所謂渤海
赫赫歐陽堅石者是也建遇趙王倫之亂見殺其兄
子質以其族南奔質字純之居長沙臨湘七世孫景
達字敬遠齊本州治中生荔浦令僧寶字士章僧寶

生梁陽山穆公顧字靖世顧二子紇約紇字奉聖廣
州刺史生詢亮德器詢字少信唐率更令渤海縣男
四子長卿肅倫通通字通師相武后生幼明字仲廉
生昶字子原渤海子昶生璟琮璟字崇文侯官令琮
吉州刺史遂家吉州八世孫萬安福令其後或居廬
陵或居吉水而廬陵之儒林鄉歐桂里為著姓萬孫
雅字正言生劾及楚楚字德用韶陽簿劾生謨及託
託檢校工部尚書生彬南唐吉州軍士推官

歐侯

前漢外戚傳許廣漢女平君年十四五當為內者令
歐侯氏子婦臨當入歐侯氏子死其母將行卜相言
當大貴乃以歸皇曾孫是為宣帝許后師古曰歐侯
姓也歐音烏溝反

樓季

潛夫論晉穆侯庶子樓季之後謹按晉趙衰少子嬰
齊謂之樓季而穆侯之後無聞豈節信討論未審乎

鉤勿

南涼禿髮利鹿孤僭稱西河王其將鉤勿崙進曰今
建大號誠順天心寧居樂土非貽厥之規宜課農桑
以供國用習戰法以誅未賓利鹿孤然其言遂伐呂
隆大敗之

投壺

出自荀中行氏晉中行穆子相其君景公
按左傳作昭公會
諸侯與齊侯宴投壺穆子舉矢曰寡君中此為諸侯

師中之時人稱焉後以為氏

鉤弋

英賢傳云漢昭帝母鉤弋夫人

勾龍

出自共工氏子曰勾龍為后土三代以降祀為社子
孫氏焉

取慮

音秋廬元和姓纂曰徐偃王子食邑取慮因氏焉唐

時臨淮郡多此氏

侯莫陳

後周有侯莫陳崇為西魏八柱國宋鄭州防禦使侯
莫陳利用有罪誅又侯莫陳廷山碌碌無可稱後改
姓陳氏

投和羅

唐南詔投和羅王姓投和羅名脯邪迄遙

二十一侵

侵

三輔決錄有扶風太守侵恭因官居焉

尋

出自姒姓夏后同姓諸侯曰斟尋氏後為寒浞所滅
子孫因為尋氏晉有尋曾字子貢隋末有將軍尋相

鐔音尋

近蜀中有此氏音變為蟾

邠

謹按春秋鄆周邑也河南鞏縣西南有地名鄆中者是春秋時周大夫食采者以邑為氏故有鄆盼及其

子鄆羅

颯

音尋

姓苑曰汝南人

瀟

出姓苑音尋

臨

出自高陽氏才子八人其一曰大臨子孫以王父字
為氏或曰林氏訛為臨氏春秋公羊傳有臨南後漢
孔融傳有臨孝孫石趙有秦州刺史臨深隋有儀同
臨孝恭京兆人謹按春秋臨晉邑魯哀公四年趙稷
奔臨弦施墮臨未必非以邑為氏高陽氏之說恐無
明據

絀

新唐書吐蕃傳會昌三年贊普死天子以妃絀兄尚延

力子乞難胡為贊普始二歲妃共治其國大將結那
都見乞難胡不肯拜曰贊普支屬尚多何至立緄氏
子哭而出用事者共殺之

斟

國語曰祝融之後侯伯八姓

案鄭語史伯曰黎為高辛氏火正故命之曰祝

融其後八姓於周未有侯伯此脫未有二字

斟姓無後賈逵注云斟曹姓

之後也

箴

元和姓纂曰楚大夫箴尹闕克黃之後子孫以官為氏今從之姓源韻譜曰衛大夫箴莊子之後誤矣謹按春秋衛大夫有鍼莊子其字从金从咸不从竹也是時陳衛皆有鍼氏未嘗音針宜以姓纂為正

箴

黃帝子得姓者十四人其一曰箴氏邵氏姓解曰箴與箴皆音針

湛

謹按陶侃母一作諶氏未知何者為是

諶

音忱

姓苑陶侃母諶氏晉初豫章黃堂觀女道士諶氏以仙術授許旌陽謂之諶母今建昌軍南豐多此姓

任

平聲

出自黃帝少子禹陽受封於任以國為姓十二世孫奚仲為夏車正又十二世孫仲虺為湯左相太戊時有臣扈武丁時有祖己皆徙國於邳祖己七世孫成

侯又遷於摯亦謂之摯國杜預曰薛歷夏商周六十
四世為諸侯是也齊人任不齊字選為孔子弟子又
二十八將有信都太守柯陵侯光字伯卿子司空隗
字仲和隗生步兵校尉西陽侯屯屯生嗣侯勝勝生
北鄉侯世又侍御史任遵奉鄧太后詔赦蠻夷遵音
卓又征西太尉樂亭侯尚與鄧騭討羌又騎都尉仁
救三輔又郃陽令顧兩追羌戰死廬江任氏教十六
代孫晉安西將軍顥始徙居焉西河任氏亦教之後

徙西河晉有東平太守任誕至唐右司郎中任正名
又居成都渭南任氏亦後自沛徙居廬州合肥任氏
陳將忠之第七寶陳定遠太守生瓌字瑋陝州都督
營國公瓌弟璨太子典膳丞晉有益州從事明後秦
天水任謙為姚萇從事中郎後蜀巴西宕渠任回為
李特腹心上邽令任臧為特爪牙又有別帥任道李
壽以任調為股肱南燕辟閭渾部將任安

禽

出自齊管夷吾之孫仕魯別為禽氏所謂禽鄭是也
其後有禽滑釐高士禽慶孝子禽賢韓詩外傳秦大
夫禽息辟首薦百里奚又後漢北海禽度字子夏游
五岳名山不知所終

金

出自漢匈奴休屠王太子日磾字翁子

案漢書日磾字翁叔此作

翁子悞

事武帝著忠孝節帝以休屠作金人為祭天主

因賜姓金氏封秬侯二子賞建俱侍中日磾弟倫字

少卿黃門郎生安上字子侯侍中都亭恭侯

案漢書安上封

都成侯諡曰敬

四子常岑敞明敞三子涉參饒涉二子湯融

皆侍中世名忠孝七世內侍唐貞觀所定益州蜀郡

三姓一曰金氏汾州河西郡四姓一曰金氏又唐新

羅國王姓金氏武陽高渠曰江浙金氏避錢武穆王

諱改焉後涼呂光將金石生後趙將金光後秦將金

洛生夏尚書金纂

陰

南涼散騎侍郎陰利鹿隨禿髮檀歿於西平又陰
馴烏孤以為西州之德望擢為股肱謹按春秋周大
夫有陰里陰不佞陰忌皆在管修之前風俗通云古
陰康氏之後是矣然不知與管修之陰氏為同族否

參

世本曰陸終第二子參胡之後

後

纂文要曰古參字亦人姓

岑

後漢征南大將軍舞陽壯侯彭字君然生屯騎校尉
細陽侯遵遵曾孫像南郡太守生暉字公孝黨錮難
起逃于江夏山中徙居吳郡生亮伯亮伯生軻吳會
稽鄱陽太守六子寵昏安頌廣晏後徙鹽官十世孫
善方梁起居舍人生之象邯鄲令之象生文本文叔
文本字景仁相唐太宗位中書令

斟灌

左傳寒浞使澆用師滅斟灌氏注夏同姓諸侯以國為姓者

斟戈

姓苑云人姓或云斟灌氏一名斟戈

沈猶

上音沉泰山人也魯有沈猶氏不敢朝飲其羊曾子

弟子有沈猶行